



COMUNE DI ORISTANO

Comuni de Aristanis

REGULAMENTU

*ASUBA DE SU CUMPONIMENTU E SU FUNZIONAMENTU DE SU NÙCLEU
DE VALUTAZIONI*

(APROVAU CUN DELÌBERA G.C. NR. 270 DE SU 12/12/2017)

ÌNDIXI

<i>Artìculu 1 Oggetu e àmbitu de su Regulamentu.....</i>	<i>2</i>
<i>Artìculu 2 Cumponimentu, nòmina, durada, acabbu e rèvoca.....</i>	<i>2</i>
<i>Artìculu 3 Rechisius e cumpensus</i>	<i>2</i>
<i>Artìculu 4 Incumpatibilidadi e incunferibilidadi.....</i>	<i>3</i>
<i>Artìculu 5 Procedura de nòmina.....</i>	<i>3</i>
<i>Artìculu 6 Cumpetènzias, organizatzioni e funtzionamentu</i>	<i>3</i>
<i>Artìculu 7 Disponimentus de acabbu e intrada in vigori.....</i>	<i>4</i>

Artìculu 1 Ogetu e àmbitu de su Regulamentu

1. Custu Regulamentu disciplinat s'organizazioni e su funtzionamentu de su Nùcleu de Valutazioni de su Comuni de Aristanis.

Artìculu 2 Cumponimentu, nòmina, durada, acabbu e rèvoa

1. S'amministratzioni, cunforma a sa normativa de immoi, si giuat de su Nùcleu de Valutazioni in logu de s'Organismu Indipendenti de Valutazioni.
2. Su Nùcleu de Valutazioni est sestau a òrganu monocràticu e est cumpostu de unu membru allenu a s'amministratzioni sceberau in mesu de sugetus cun cumpetènzias in tècnicas de valutazioni de is prestatzionis e de su personali de is amministratzionis pùblicas e in su cuntrollu de gestioni.
3. Su cumponenti si scerat "intuitu personae" in mesu a is sugetus, chi tenint is rechisius inditaus in s'artìculu 3 chi ant intregau sa candidadura insoru apustis chi ant publicau in su situ istituzionali de s'Enti sa "manifestatzioni de interessu" apostata.
4. Su cumponenti de su Nùcleu si nòminat po tres annus, chi si podint annoai, cun provedimentu de su Sindigu chi, spriculendi su curriculu de totu is candidaus, vèlutat s'epèriènzia de is interessaus e s'idoneidadi po ammantai s'incàrrigu. Comenti si siat su cumponenti abarrat in càrriga finas a torrai a fai de bellu e nou su Nùcleu.
5. S'incàrrigu de cumponenti allenu de su Nùcleu si podit revocai, cun provedimentu de su Sindigu, ascurtada sa Giunta Comunali, feti po no ai acumpriu a is doveris suos e acabbat s'incàrrigu po:
 - scadèntzia de su mandau;
 - dimissionis voluntàrias;
 - candu, po cali siat arraxoni, non podit fai s'incàrrigu suu unu tempus prus longu de sessanta diis;
 - impedimentu arribau totu in una borta;
 - àteras ipòtesis in prus chi sa disciplina chi pertocat s'arruta de s'impiegu me in is Amministratzionis Pùblicas ponit in contu.

Artìculu 3 Rechisius e cumpensus

1. Su cumponenti de su Nùcleu de Valutazioni depit teni custos rechisius:
 - tzitadinàntzia italiana o de unu de is istadus mebrus de s'U.E.;
 - gosu de is deretus tzivilis e polìticus;
 - diploma de làurea de cincus annus o specialìstica e finas unu tìtulu de stùdiu post-universitàriu o un'epèriènzia adeguada in àmbitus chi pertocant is setoris de s'organizazioni e de sa gestioni de su personali de sugetus pùblicos e privaus, de su manigiammentu de siendas, de sa pianificatzioni e cuntrollu o de sa mesuratzioni e valutazioni de is prestatzionis;

2. Si podint nominai componentis de su Nùcleu de Valutazioni de custu Enti, finas sugetus chi pigant parti de àterus Nùcleus o Organismus Independentis de Valutazioni in àteras amministratzionis.
3. A is componentis allenus de su Nùcleu de Valutazioni ddis spetat unu cumpensu a s'annu, stabiliu cun àutu de nòmina de su Sindigu respetendi is limitis chi fissat sa lei.

Artìculu 4 Incumpatibilidadi e incunferibilidadi

1. Non si podint nominai componentis allenus de su Nùcleu de Valutazioni is sugetus avatu chi ddui at:

- cunditzionis de incumpatibilidadi e incunferibilidadi chi funt in su D.Lgs. 39/2013;
- cunditzionis ostativas po afidai is incàrrigus cunforma a su D.Lgs. 235/2012, L.135/2012;
- cunditzionis chi funt me in s'art. 14, comma 8, de su D. Lgs. n. 150/2009;
- cunditzionis in prus de incumpatibilidadi e incunferibilidadi chi arremonat e/o l'òmpias po mori de normas apostada de lei.

Artìculu 5 Procedura de nòmina

1. Su componentis de su Nùcleu de Valutazioni si scerat "intuitu personae", cunforma a s'art. 7, comma 6-quater, de su D. Lgs. n.165/2001, in mesu a sugetus chi tenint is rechisius inditaus in s'artìculu 3, chi ant intregau sa candidadura in soru apustis chi ant publicau in su situ istitutzionali de s'Enti sa "manifestatzioni de interessu" apostada.

2. S'avisu pùblichu serbit sceti po spriculai, tenendi sa punna de scerai is candidaus idòneus a fai is funtzionis schetas de s'incàrrigu de cunferri e no ingendrat valutazioniis cumparativas de curriculu e formatzioni de gradutòria.

3. Su Sindigu atendit a sa nòmina cun Decretu suu narendi ca su sceberu de is componentis de su Nùcleu de Valutazioni est fata a "intuitu personae".

Artìculu 6 Cumpetènzias, organizazioni e funtzionamentu.

1. Su Nùcleu de Valutazioni est un'organu independenti, a chi su Comuni donat s'incàrrigu de favoressi, agiudai e assegurai sa validadadi metodològica de totu su Sistema de gestioni de is prestatzionis e s'apricatzioni sua fata beni.
1. Su Nùcleu de Valutazioni traballat a manera autònoma e independenti siat avatu a is òrganus de governu siat avatu a is responsàbilis de sa gestioni.

2. Acumprit a is tareas chi ponit in contu custu regulamentu, su Sistema de valutazioni de is prestazioni, pigau cunforma a s'art. 7, comma 1, de su D.Lgs. 27.10.2009, n. 150 e cussas chi donat in deretura sa lei a is nucleus de valutazioni o a s'organismu indipendenti de valutazioni.
3. is funtzionis de su Nùcleu de valutazioni pertocant in antis a totu su de apurai chi is obietivus funt arrennèscius cunforma a is ainas de programmatzioni de s'Enti in contu de eficièntzia, eficàcia, calidadi, produtividadi. In mesu a totu ddi ant donau custas funtzionis:
 - a) càstiat su funtzionamentu de totu su Sistema de mesurazioni e valutazioni de is prestazioni;
 - b) apurat e narat chi funt giustus is arrendicontus asuba de s'istadu de avanzamentu de is punnas e de is atividades chi funt in su Pianu Esecutivu de Gestioni e in su Pianu a fini a fini de is Punnas;
 - c) proponit a sa Giunta Comunali unas cantu metodologias po valutai is prestazioni e is arresurtaus de is Dirigentis e de su Personali dipendenti e a su Sindigu unas cantu metodologias po valutai is prestazioni e is arresurtaus de su Segretàriu Generali, cunforma a is punnas chi ddis ant donau, e cunforma e po is punnas chi ant stabiliu me in is Cuntratus Colletivus Natzionalis de su Traballu, in prus fait totu is operazioni de cuntrollu e de verifca chi narat sa lei, is regulamentus de s'Enti, is cuntratus colletivus de traballu e ònnia àteru provedimentu chi su Sindigu e sa Giunta creint oportunu de ddi fai fai;
 - d) proponit a sa Giunta comunali s'aprovamentu definitivu de is arresurtaus de sa graduazioni de is funtzionis dirigentzialis e is stimas econòmicas de is positzionis dirigentzialis;
 - e) proponit a sa Giunta comunali sa valutazioni a s'annu de is prestazioni individualis de is dirigentis de setori;
 - f) favoressit e apurat s'acumprimentu de is òbrigus chi pertocat sa trasparèntzia;
 - g) fait ònnia àtera funtzioni chi, acontessendi, ddi donat sa Giunta Comunali e su Sindigu, chi andat de acòrdiu cun is prerogativas postas in contu de lei.
 - d) fait in prus funtzionis chi disponimentus de lei e de regulamentu ddi donat in matèria de cuntrollus de aintru e in mesu a totu de su cuntrollu afatanti de regularidadi amministrativa e de preventzioni de sa corrutzioni e de s'illegalidadi.
4. Su Nùcleu de valutazioni podit intrai a totu is àtus/documentus/informus chi tenint is Ufitzius/Servitzius chi si creint de serbiri po acumpriri beni is funtzionis suas: po custu si giuat de s'agiudu de s'ufitziu Cuntrollus de Aintru e/o de s'agiudu de personali aintru de s'enti scerau aposta cun àtu de su Segretàriu Generali. Su Nùcleu de Valutazioni fait relata a su Sindigu ònnia borta chi ddu creit e in ònnia modu candu acabbat sa carrera po valutai su personali dirigenti.
5. Is atòbius de su Nùcleu funt arreservaus, sarvu chi su Nùcleu etotu non creit de invitai àterus sugetus allenus a su Nùcleu po documentai fatus e arragolli elementus chi serbint po arraxonai asuba de argumentus de cumpetèntzia. Totu is fainas si depint verbalizai a manera formali. Is verbalis, dataus e numerus funt arregortus e allogaus in s'ufitziu Cuntrollus de Aintru.

Articulu 7 Disponimentus de acabbu e intrada in vigori

1. Po totu su chi non s'est inditau a craru in custu Regulamentu si fait arriferimentu a is disponimentus in vigori in matèria.

2. Custu Regulamentu intrat in vigori in sa data de esecutividadadi de sa Delibera de aprovamentu.
3. Intrendi in vigori custu Regulamentu ant a acabbai de essi eficacis e bellas de apricai is normas chi non andant de acòrdiu cun custu àutu.